

ЎЗБЕКИСТОН РЕСПУБЛИКАСИ ОЛИЙ СУДИ ИҚТИСОДИЙ ИШЛАР БЎЙИЧА СУДЛОВ ҲАЙЪАТИНИНГ А Ж Р И М И

(кассация шикоятини кўриб чиқиш учун тафтиш инстанциясига ўтказиш
тўғрисида)

Тошкент шаҳри

2024 йил 3 январь

Ўзбекистон Республикаси Олий судининг Иқтисодий ишлар бўйича судлов ҳайъати Ш.Махмудов, А.Абдуллаев ва Р.Хайдаровдан иборат таркибда, даъвогар “Xalq nashriyoti” хусусий корхонасининг жавобгарлар Тошкент вилоят ҳокимлиги, давлат активларини бошқариш агентлиги Тошкент вилояти ҳудудий бошқармаси зиммасига Тошкент вилояти, Тошкент тумани, “Уччинор” МФЙ, “Қуйи кўктерак” кўчасида жойлашган, ҳокимликнинг балансидаги, умумий ер майдони 0,75 гектар бўлган давлат активини МТМ (боғча) фаолиятини ташкил этиш шарти билан “Электрон-онлайн аукционларни ташкил этиш маркази” ДУК томонидан 2020 йил 21 декабрда ўтказилган очиқ аукцион савдосининг натижасига кўра 2020 йил 22 декабрда расмийлаштирилган DA-040099-сонли баённомага асосан “сотувчи”, “балансда сақловчи” ва “ғолиб” ўртасида давлат мулки объектининг олди-сотди шартномасини тузиш мажбуриятини юклаш тўғрисидаги даъво аризаси бўйича юритилган иқтисодий иш юзасидан қабул қилинган Зангиота туманлараро иқтисодий судининг 2023 йил 8 сентябрдаги ҳал қилув қарори ва Тошкент вилоят суди иқтисодий ишлар бўйича судлов ҳайъатининг 2023 йил 26 октябрдаги қарори устидан “Xalq nashriyoti” хусусий корхонаси томонидан берилган кассация шикояти ва унга илова қилинган ҳужжатларни ўрганиб чиқиб, қуйидагиларни

а н и қ л а д и :

“Xalq nashriyoti” хусусий корхонаси (кейинги матнларда “даъвогар” деб юритилади) Зангиота туманлараро иқтисодий судига даъво аризаси билан мурожаат қилиб, Тошкент вилоят ҳокимлиги, давлат активларини бошқариш агентлиги (кейинги матнларда “жавобгар” деб юритилади) зиммасига Тошкент вилояти, Тошкент тумани, “Уччинор” МФЙ, “Қуйи кўктерак” кўчасида жойлашган, ҳокимликнинг балансидаги, умумий ер майдони 0,75 гектар бўлган давлат активини МТМ (боғча) фаолиятини ташкил этиш шарти билан “Электрон-онлайн аукционларни ташкил этиш маркази” ДУК томонидан 2020 йил 21 декабрда ўтказилган очиқ аукцион савдосининг натижасига кўра 2020 йил 22 декабрда расмийлаштирилган DA-040099-сонли баённомага асосан “сотувчи”, “балансда сақловчи” ва “ғолиб” ўртасида давлат мулки объектининг олди-сотди шартномасини тузиш мажбуриятини юклашни сўраган.

Суднинг 2023 йил 14 августдаги ажрими билан “Электрон-онлайн аукционларни ташкил этиш маркази” ДУК низонинг предметиға нисбатан мустақил талаб билан арз қилмайдиган учинчи шахс сифатида ишга жалб этилган.

Зангиота туманлараро иқтисодий судининг 2023 йил 8 сентябрдаги ҳал қилув қарори билан даъво аризасини қаноатлантириш рад этилган.

Тошкент вилоят суди иқтисодий ишлар бўйича судлов ҳайъатининг 2023 йил 26 октябрдаги қарори билан Зангиота туманлараро иқтисодий судининг 2023 йил 8 сентябрдаги ҳал қилув қарори ўзгаришсиз қолдирилган.



Мазкур суд қарорларидан норози бўлиб даъвогар кассация шикояти билан мурожаат қилган.

Кассация шикояти 2023 йил 11 декабрдаги ажрим билан иш юритишга қабул қилиниб, Ўзбекистон Республикаси Олий судининг Иқтисодий ишлар бўйича судлов ҳайъати томонидан суд муҳокамасида кўриб чиқиш учун 2024 йил 9 январь кунига тайинланган.

Ўзбекистон Республикаси Конституциясининг 55-моддасининг учинчи қисмига кўра, ҳар кимга бузилган ҳуқуқ ва эркинликларини тиклаш учун унинг иши қонунда белгиланган муддатларда ваколатли, мустақил ҳамда холис суд томонидан кўриб чиқилиши ҳуқуқи кафолатланади.

Аҳолини одил судловдан фойдаланиш имкониятини янада кенгаштириш, фуқаролар ва тадбиркорларнинг ҳуқуқлари ҳамда қонуний манфаатларини ишончли ҳимоя қилиш, суд қарорларининг қонунийлиги ва асослилигини текшириш механизмини янада такомиллаштириш ҳамда суд қарорларини қайта кўришнинг янги тартибини жорий этиш орқали одил судлов сифатини ҳамда фуқароларнинг одил судловга эришиш даражасини ошириш, фуқароларнинг бузилган ҳуқуқлари ва манфаатлари ишончли ҳимоя қилинишини таъминлаш мақсадида, “Суд қарорларининг қонунийлиги ва асослилигини текшириш тартиби такомиллаштирилиши муносабати билан Ўзбекистон Республикасининг Иқтисодий процессуал кодексига ўзгартириш ва қўшимчалар киритиш ҳақида” 2023 йил 25 декабрда Ўзбекистон Республикаси Қонуни қабул қилинди.

Мазкур иш апелляция тартибида кўриб чиқилганлиги, юқорида қайд этилган қонун талабига кўра, ишда иштирок этувчи шахсларнинг апелляция инстанцияси қарори устидан янги жорий этилган тафтиш инстанциясига шикоят қилиш ҳуқуқини таъминлаш мақсадида 2024 йил 1 январдан кучга кирган Ўзбекистон Республикасининг Иқтисодий процессуал кодекси 307-моддасининг биринчи қисми ва 308-моддасига асосан жавобгарнинг кассация шикояти ва ундаги важларни дастлаб тафтиш тартибида кўриб чиқилиши лозимлигини инобатга олиб, мазкур иш Тошкент вилоят суди Иқтисодий ишлар бўйича судлов ҳайъатининг тафтиш инстанциясига юборилиши лозим.

Юқоридагиларга кўра, ИПКнинг 195, 307, 308-моддаларига асосланиб, судлов ҳайъати

а ж р и м қ и л а д и:

“Xalq nashriyoti” хусусий корхонаси томонидан берилган кассация шикоятини тафтиш тартибида кўриб чиқилишини таъминлаш учун мазкур иш Тошкент вилоят суди Иқтисодий ишлар бўйича судлов ҳайъатининг тафтиш инстанциясига ўтказилсин.

Суд муҳокамаси **2024 йил 9 январь кuni соат 11-00** га тайинланганлиги инобатга олинсин.

Мазкур ажримга асосан жавобгарнинг кассация шикояти иш ҳужжатлари билан бирга Тошкент вилоят суди Иқтисодий ишлар бўйича судлов ҳайъатига юборилсин.

Ажрим тарафларга юборилсин.

Ажрим устидан шикоят қилиниши мумкин эмас.

ҳайъат аъзолари:

Ш.Махмудов

А.Абдуллаев



Хужжат имзоланган: Хайдаров Рустам Раҳмонович, 03.01.2024

